

從玄中變而名焉

釋胎精中記

九天丈人告三天玉童曰九丹上化胎精中記乃生九玄之初結太空自然之氣以成寶文二十四真三十九帝悉所修行一名瓊胎靈曜經一名洞真太丹隱書一名帝君七化變景九形經一名太一二度帝寶五精經

釋隱地八術

隱地八術乃紫清帝君遊隱之道玄變之訣舊文乃有八卷變化八方藏形隱影之事

釋外國放品經

道藏輯要

雲笈七籤

五

參集二

外國放品經皆玄古洞空之書自然之章是上真帝王以下及學仙得道者莫不受音於太空

釋四十四方經

太上黃素四十四方皆九天之上書八會之隱文也是以太上大道君命上清高仙太極真人科集品目陳其次序合為黃素神方四十四首

釋八素真經

八素真經乃玄清玉皇之道又有地仙八素經論服玉氣吐納之道也又有九素經論召鬼使精行厨檢魂魄之事

釋三九素語